


实用佛学辞典



上海佛学书局编

实用佛学辞典

中

江蘇廣陵古蹟

第七、以文殊爲中尊、安二十五尊。

文殊三昧

（術語）發無相妙慧之三昧也。

此智慧爲文殊所具、故名文殊三昧。大疏五曰、「悉是文殊三昧、故經云侍衛無勝智也。」

文殊悔過

（修法）文殊菩薩所說之懺悔法也。佛在耆闍崛山新學菩薩蔽於狐疑有如來

齊光照耀菩薩爲之請問文殊。文殊爲說懺悔隨喜請法與供迴向發願之諸法。彼等皆得無生法忍。佛遙聞而讚嘆之。見文殊悔過經。

文殊悔過經

（經名）一卷、西晉竺法護譯。

文殊說悔過之法。

文殊前三三

（雜語）唐無著禪師與清涼山文殊菩薩對話中之語。碧巖第三十五則載之。

見無著條。

文殊般若經

（經名）有二譯。一梁曼陀羅

仙譯。題曰文殊師利所說摩訶般若波羅蜜經。一梁僧伽波羅譯。題曰文殊師利所說般若波羅蜜經。

文殊尸利行經

（經名）一卷、隋闍那崛多

譯。文殊巡行諸比丘房、見舍利弗坐禪後至佛前問難、顯示阿羅漢之義五百比丘不忍立座而去。文殊更說法要。

文殊師利

（菩薩）舊稱文殊尸利。新稱曼

殊室利菩薩名。略云文殊。見文殊條。

文殊師利發願經

（經名）一卷、東晉佛

陀跋陀羅譯。與普賢行願品中之偈文大略相同。是五言頌也。

文殊師利巡行經

（經名）一卷、元魏菩

提留支譯。與文殊尸利行經同本。

文殊師利淨律經

（經名）一卷、西晉竺

法護譯。與清淨毘尼方廣經同本。寂順律音天子問文殊師利答。

文殊師利問經

（經名）二卷、梁僧伽婆羅

譯。有十七品、分別大乘之諸戒、悉曇之字母、佛滅後小乘二十部之分出等。屬大乘律藏。

文殊師利問菩提經

（經名）一卷、秦羅

什譯。佛初得道在伽耶山，入諸佛甚深三昧諦觀諸法之性相。文殊知之，問云：何發心？佛答：無發是發。次月淨光德天子與文殊問答菩提之義。

文殊師利般若涅槃經

（經名）一卷，西晉

品道真譯。佛在祇園於後夜入定放光，照文殊房，作諸化現。阿難集衆，跋陀婆羅問其始末。佛爲說文殊之生緣及觀文殊之法。

文殊師利現寶藏經

（經名）二卷，西晉

竺法護譯。大方廣寶篋經之異譯。

文殊師利佛土莊嚴經

（經名）二卷，西

晉竺法護譯。大寶積經第十五文殊師利授記會之別譯。

文殊師利一百八名梵讚

（經名）一

卷，趙宋法天譯。文殊師利讚一百八名之梵頌也。

文殊師利根本儀軌經

（經名）具名大

方廣菩薩藏文殊師利根本儀軌經二十卷，趙宋天息災譯。略云文殊儀軌。

文殊師利法寶藏陀羅尼經

（經名）

一卷，唐菩提流志譯。一名文殊師利菩薩八字三昧法，爲八字文殊法之本經也。

文殊師利所說般若波羅蜜經

（經名）

一卷，蕭梁僧伽婆羅譯。大般若第七會之別譯。略云文殊般若。

文殊師利所說不思議佛境界經

（

經名）二卷，唐菩提流志譯。大寶積經第三十五善德天子會之別譯。

文殊師利所說摩訶般若波羅蜜經

（

經名）二卷，梁曼陀羅仙譯。與僧伽婆羅譯之文殊師利所說般若波羅蜜經同本。先出，所謂文殊般若者是也。

文殊師利根本一字陀羅尼經

（經名）

具名大方廣菩薩藏文殊師利根本一字陀羅尼經。一卷，唐寶思惟譯。與義淨譯之一字咒王經同本。是一字文殊法之本經也。

文殊師利菩薩六字咒功能法經

（

經名）一卷，六字文殊法之本經也。

文殊師利菩薩佛剎功德莊嚴經

（經名）大聖文殊師利菩薩佛剎功德莊嚴經之略名。

文殊師利菩薩根本大教王經金翅鳥

王品（經名）一卷唐不空譯佛在淨居天金

翅鳥王對文殊說真言密行。

文殊師利菩薩及諸仙所說吉凶時日

善惡宿曜經（經名）宿曜經之具名。

文殊問經字母品第十四（經名）一

卷不空譯文殊師利問經字母品之別譯。

文殊滅姪慾我慢陀羅尼（經名）一

卷失譯爲一髻一字文殊法之真言也。

方丈（堂塔）禪林之正寢住持之住所也故

稱寺主曰方丈因其住於此也古來傳說維摩居士之石室四方有一丈丈室之名始基於此見法

苑珠林感通篇

方口食（術語）四邪命之一。智度論三曰「

有出家人曲媚豪勢通使四方巧言多求不淨治

命者是名方口食」

方外（雜語）猶言世外也莊子大宗師曰「

彼游方之外者也」今謂僧道曰方外。

方典（雜語）方等之經典也方者方正等者

平等說方正平等之理之經典也爲大乘經之總

稱。

方服（衣服）比丘之法衣盡爲方形故謂之

方服又云方袍葛城慈雲比丘著有方服圖記。

方所（雜語）方角與所處也法華經曰「善

應諸方所」

方便（術語）梵語偏和有二釋一對般若而

釋二對真實而釋對般若而釋則謂達於真如之

智爲般若謂通於權道之智爲方便權道乃利益

他之手段方法依此釋則大小乘一切之佛教概

稱爲方便方者方法便者使用使用契於一切衆

生之機之方法也又方爲方正之理便爲巧妙之

言辭對種種之機用方正之理與巧妙之言也又

方者衆生之方域便者教化之便法應諸機之方

域而用適化之便法。謂之方便。是皆通一大佛教而名之也。對真實而釋。則謂究竟之旨歸為真實。假設暫廢為方便。故又名善巧。或曰善權。即入於真實能通之法也。利物有則云。方隨時而施。曰便。依此釋。則為小乘入大乘之門。故謂之方便教。三乘為通於一乘而設者。故亦名方便教。因斯判一切法為方便真實之二也。

〔二種方便〕（名數）一體外方便。餘經所說之方便也。是真實體外之方便。故云體外二體內方便。又云同體方便。方便即真實。真實即方便。故曰體內。如法華所說之方便是也。

方便土（術語）方便有餘土及方便化身土之略稱。

方便品（經名）法華經二十八品中第二品之名。說三乘方便。一乘真實者。故名。又維摩經第二品之名。敘維摩居士以種種方便。化益衆生。且以方便而現疾於毘耶離城。故名。

方便智（術語）又云權智。對實智之義。達於

方便法之智也。又行方便之智也。大乘義章十九曰。「知一乘真實之法。名為實智。了知三乘權化之法。名為方便智。」

方便經（經名）慧上菩薩問大善權經之異名。

方便化身（術語）彌陀報身中之化身也。報第十九第二十之方便願。而化現邊地懈慢之佛身也。

方便法身（術語）二種法身之一。是應身化身之總名也。見法身條。

方便菩提（術語）三菩提之一。

方便般若（術語）方便智與般若慧也。證實理曰般若。慧通權謀之智曰方便智。

方便有餘土（術語）台家所立四土之一。聲聞緣覺二乘究竟證果者。及地前菩薩。當生界外之淨土也。天台觀經疏曰。「修方便道。斷四住惑。故曰方便。無明未盡。故曰有餘。」

方便現涅槃（術語）謂如來雖常住不滅。

而爲使起佛世難值之想，惹追慕修道之念，故以方便示現涅槃也。法華經壽量品曰：「爲度衆生，故方便現涅槃，而實不滅度，常住此說法。」

方便波羅蜜

（術語）十波羅蜜之第七，第七地菩薩以善巧之方便隨機利物也。

方便隨緣止

（術語）謂三摩也。三止之一。

無明顛倒者，了得實相之真性，隨緣而內外之變化無動於心，安心不動也。翻譯名義集曰：「止觀二字各開三義，一體心止，二方便隨緣止。」

方等

（術語）台家有三釋：（一）約理釋之，謂方者方正，等者平等，中道之理，方正而生佛平等也。因此義故，方等爲一切大乘經之通名。閱藏知津二曰：「方等亦名方廣，始從華嚴終大涅槃，一切菩薩法藏皆稱方等經典。」（二）約事釋之，謂方者廣之義，等者均之義。佛於第三時諸經廣說藏通別圓四教，均益利鈍之機，故名方等。是惟限於台家之釋義，即五時之方等部者是也。見四教儀集解上（三）約事理釋之，謂方者方法

之義。有門、空門、雙亦門、雙非門、四門之方法也。等者平等之理體，依四門之方法，各契平等之理，謂之方等。即方者能契之行，即事也。等者所契之理也。見止觀二。

方等時

（術語）台家所判五時之第三。自成道已後十二年於八年之間，說維摩經、金光明經等之諸方等時期也。此諸經名爲方等者，由於方等三義中，事方等之義，見方等及五時各條。

方等部

（術語）說方等時之諸經之部類也。

方等經

（術語）大乘經之總稱也。見方等條。

方等懺

（術語）方等三昧之懺法也。單稱曰方等三昧，又云方等懺悔。

方等三昧

（術語）此爲天台大師依大方等陀羅尼經制立之一種三昧行，與法華三昧皆爲四種三昧中之半行半坐三昧，專行其法，而調直其心，謂之三昧止觀二及方等三昧行法詳記其儀軌作法。

方等二昧行法

（書名）一卷，隋智者說，門

人灌頂記。說行方等三昧之儀軌作法者。

方等戒壇

（術語）依大乘方等之文所立之戒壇也。與南山所制之小乘戒壇相對立。攝人最爲寬大者。唐代宗永泰元年始於京城建之。其後至宣宗朝。承武宗破佛之後。使於方等戒壇盛度僧尼。見僧史略下。

方等大雲經

（經名）大方等無相經之異名。

方等本起經

（經名）普曜經之異名。對小乘部之修行本起經。中本起經等而立之異名。

方等泥洹經

（經名）般泥洹經之異名。二卷。失譯。大乘家所傳佛之涅槃記也。與法顯譯之

方等般泥洹經

大般涅槃經（小乘部中）大同小異。譯大乘大般涅槃經之前六品而止。

方等陀羅尼經

（經名）大方等陀羅尼經之略稱。

方廣

（術語）總爲大乘經之通名。別稱則十

二部經之第十曰方廣經。勝鬘寶窟中末曰「方廣者是大乘經之通名也」。

方廣道人

（術語）小乘中附佛法之外道。曰犢子道人。大乘中附佛法之外道曰方廣道人。惡執大乘方廣之空理而墮於空見者也。見智度論一。

方廣大莊嚴經

（經名）十二卷。唐地婆訶羅譯。有二十七品。說佛住兜率天宮。乃至降生成道轉法輪之八相。與普曜經同本。惟品有開合。

日子王所問經

（經名）大乘日子王所問經之略名。

日天子

（梵名）梵語蘇利耶。修利。修野等。異名寶光天子。寶意天子。爲觀世音菩薩之變化身。住於太陽中。太陽爲彼之宮殿也。

日月輪

（術語）菩提心論曰「諸佛大悲。以善巧智。說此甚深秘密瑜伽。令修行者。於內心中。觀日月輪」。菩提心義一末曰「一字佛頂瑜伽。及愛染土瑜伽等。並約果地智德。以日輪形觀本

尊形。今約因果三昧進修，以月輪形觀自心形。」

日月燈明佛

（佛名）此佛光明在天如日月，在地如燈，故名。過去世有二萬日月燈明佛，同名相繼出世而說法華經。見法華經序品。

日本佛教

（故事）三國佛教略史總論曰：「先是西洋紀元後第四時期，佛教始入朝鮮，後百餘年，乃再東漸傳入日本。又後五十年，厩戶皇子出漸趨隆盛之運。南都七帝崇奉最篤，所謂古京之六宗（六宗者曰三論、曰成實、曰法相、曰俱舍、曰律、曰華嚴）皆此際傳來也。桓武之朝天台真言二宗起，加前六宗，爲日本佛教八宗（中略）自高倉帝已後，淨土禪宗等之諸宗始勃然興。是稱日本之新宗。就中北條足利等諸氏奉禪宗，織田尙日蓮宗，德川大興淨土宗，而最浹民心者，爲真宗日蓮二宗。若就地方舉其最盛者，禪淨二宗播布東國，真宗蔓延北國，而鎮西三都諸宗皆盛，四國多弘法之古跡，而安藝概屬真宗。備前多歸日蓮宗。俗之安藝門徒，則謂備前爲法華宗。」

日出論者

（人名）唯識述記二本曰：「日出論者，即經部本師。佛去世後一百年中，北天竺恒父翅羅國有鳩摩邏多，此言童首，造九百論，時五天竺有五大論師，喻如日出，明導世間，名日出者，以似於日，亦名譬喻師，或爲此師造喻鬘論，集諸奇事，名譬喻師。經部之種族，經部以此所說爲宗。當時猶未有經部，經部四百年中方出世故。」

日光菩薩

（菩薩）此菩薩在胎藏界曼荼羅地藏院上第九位，梵名蘇利也，波羅皮遮那，密號曰威德金剛，主地藏光明遍明之德，爲藥師如來之脇士者，與月光菩薩相對，爲菩薩形，肉色，左手爲寶幢，右手爲與願，坐於赤蓮，爲藥師脇士者，掌中或蓮上持日輪。

日光三摩提

（術語）禪定名。求聞持法也。婆藪槃豆法師傳曰：「無著法師修日光三摩提，如說修學，即得此定，後昔所未解，悉能通達，有所見聞，承憶不忘。」

日禺中

（術語）禺中者午前十時已時也。天台宗以之配於五時中之般若時。法華經科註曰

「如日禺中時」

日旋三昧

（術語）法華經妙音品所說十六三昧之一。嘉祥法華疏十二曰「日旋三昧者如天子乘日宮殿照諸衆生周而復始。舊經名日輪三昧也」

日想觀

（術語）觀無量壽經所說十六觀之第一。日沒向西方觀想日輪之法也。

日種

（雜名）釋尊五姓之一。見瞿曇條。昔有二莖甘蔗炙於日生男女二人是爲釋氏之先。故號曰種。（佛本行集經五）

日精摩尼

（物名）珠名。盲者之眼觸此珠則其眼得開而見光云。

日蓮宗

（流派）又曰法華宗。日僧日蓮所立之宗也。其宗因謂事理不二一心唱妙法蓮華經之題目則一經所詮諸法實相之功德自然圓融即身成常寂光之妙果云。又謂天台傳教弘迹門

迹化之理之法華。我則弘本門本化之事之法華也。

日藏經

月上女

（經名）大乘大方等日藏經之略名。（人名）維摩詰之女。生未幾大如八歲容姿端正城內之人爭來求婚不止月上女即告曰我當自選其人期日會城內士人其時月上女於衆中上於虛空說偈使衆人聽之大衆聞已各止淫心頭面頂禮於女之下。自爾月上女詣佛所與舍利弗對揚深義。見月上女經。

月上女經

閼那崛多譯

月天

（天名）梵名戰捺羅旃陀羅戰達羅。又有蘇摩蘇摩提婆印度創夜神星宿王喜懷之頭飾蓮華王白馬主太白光神冷光神鹿形神野兔形神等異名。又曰月天子。

月天子

（天名）月宮之天子也。其名曰寶吉祥。勢至菩薩之化現也。胎藏界曼陀羅以爲外金剛部院之一衆而列之。起世經十及立世阿毘曇

論日月行品說月宮之事。

月支

（地名）又作月氏。國名。在印度之西。史記大宛列傳曰：「月氏在大宛西可二千里。其南則大夏。西則安息。北則康居也。」大宛去長安

萬二千五百五十里。月氏在天竺北可七千里。

月光王

（本生）釋尊在過去世施頭於婆羅門時之名。又曰月光菩薩。見月光菩薩條。

月光太子

（本生）釋尊過去世爲國王之子。稱爲月光太子。一日遊行遇癩人因治病請其血髓。即破骨出髓塗於病人。以血飲之。見智度論十二經律異相三十一。

月光童子

（人名）又曰月光兒。其父德護爲摩揭陀國王舍城之長者。不信佛。聽六師之言。作火坑欲害佛。其子月光童子諫止之。亦不聽。後見佛到火坑變而爲涼池。心大悔責。歸佛。得須陀洹果。佛與月光童子以成佛之記。且說佛滅後當作支那國王。與隆三寶。見德護長者經下及佛說申日經寶雨經。

月光童子經

（經名）佛說月光童子經。一卷。西晉竺法護譯。與佛說德護長者經同本異譯。稍略其他。申日兒本經。佛說申日經同本異譯。

月光菩薩

（菩薩）藥師如來二脇士之一。藥師經曰：「於其國中有二菩薩摩訶薩。一名日光遍照。二名月光遍照。是無量無數菩薩之上首。」又胎藏界第七文殊院之一衆秘藏記末曰：「月光菩薩。黃色。左手持青蓮華。上有半月形。」又釋尊在因位時。作大國王。施頭於婆羅門時之名。又曰月光王。見佛說月光菩薩經賢愚經六月光王頭施緣品經律異相二十五。

月光菩薩經

（經名）佛說月光菩薩經。一卷。趙宋法賢譯。說月光施頭之緣事。

月光摩尼

（物名）寶珠名。摩尼之光如月者。無量壽經上曰：月光摩尼。千手經曰：月精摩尼。

月明菩薩

（菩薩）又與月明童子。月明童男。月光童子。異稱同人。

月明菩薩經

（經名）佛說月明童子經。一卷。

卷、吳支謙譯。此經爲月燈三昧經之一分。佛對月明童男（卽月光童子）說法財二施及過去之智止太子以身肉療比丘之病。月燈經以之作智意女。

月面佛

（佛名）此佛之壽命僅一日一夜。華嚴疏鈔十二曰：「如月面佛壽一日夜故。佛名經第六云（中略）月面佛壽一日夜。日面佛壽一千八百歲。梵面佛壽二十三千歲。」

月宮

（界名）月天子之宮殿。卽月之世界。立世阿毘曇論五日月行品曰：「從剌浮提地。高四萬由旬。是處日月行半須彌山等。由乾陀山。是日月宮殿。團圓如鼓。是月宮者。厚五十由旬。廣五十由旬。周迴一百五十由旬。是月宮殿。瑠璃所成。白銀所覆。水大分多。下際水分。復爲最多。其下際光亦爲最勝（中略）是宮殿說名栴檀。是月天子於其中住。」

月喻經

（經名）佛說月喻經。一案。趙宋施護譯。以皎月圓滿。誠比丘之戒行。

月愛三昧

（術語）如月光可愛。以除人之熱惱。佛入此三昧。則放淨光。除衆生貪瞋之熱惱。故名月愛。涅槃經二十曰：「譬如盛夏之時。一切衆生常思月光。月光既照。鬱熱卽除。月愛三昧。亦復如是。能令衆生除貪惱熱。」

月蓋

（人名）毘舍離國長者之名。嘗入維摩方丈。聽不二法門。請西方三尊。救國內惡疫。禪宗之山門閣上。觀音石邊。安置長者之像者。卽爲其請三尊也。見維摩經香積佛品。及請觀世音菩薩。消伏毒害。陀羅尼咒經。

月輪觀

（術語）胎藏界爲開自心八葉之佛身。以千栗駄耶卽肉團心之八分。觀爲八葉之蓮華。金剛界一以滿月圓明之體。與菩提心相類。故一爲開自心之十六菩薩。亦以肉團心觀爲十六分之月輪。月之十六分者。晦夕日月相並之際。月光爲日光所奪。全行隱去。若於日月一分相過之後。月光必少現。以此小分合於其後月十五分之明。成爲十六分。此十六分卽表金剛界十六大菩

薩般若經所說之十六空也。又見菩提心論。

月輪三昧

（術語）月輪觀也。佛祖統紀三

十五曰：「十三祖龍樹於南天竺以法藏付迦那提婆。入月輪三昧。蟬蛻而去。」

月燈三昧

（術語）佛對月光童子說一切

諸法體性平等無戲論三昧之法門。因童子之名。稱爲月燈三昧。卽月燈三昧經之所說。

月燈三昧經

（經名）有二譯。一高齊那連

提耶舍譯十卷。一佛說月燈三昧經一卷。劉宋先公譯。卽前經之一分也。

月種

（雜名）印土刹帝利族之一姓。與日種

共爲印度二大王種之一。相傳爲月天之子孫。出於印度神話辭書等。

月藏經

（經名）大方等大集月藏經之略名。

十卷。高齊那連提耶舍譯。大集經六十卷中。自第四十六至五十六之月藏分十一卷是也。月藏爲

菩薩名。月藏菩薩自西方來說方等之妙理者。

月麟尊

（明王）降三世明王之別名。

木叉（術語）見波羅提木叉條。

木叉提婆

（人名）西土小乘之徒。尊玄奘

三藏曰木叉提婆。譯言解脫天。爲解脫解律之異名。大者美最勝之稱也。西域記十二曰：「小乘學

徒號木叉提婆。」

木魚

（物名）有二種。一爲圓圓之魚鱗。讀誦

叩之一爲挺直之魚形。懸於庫堂。粥飯擊之。禪家呼曰梆。敕修清規法器章木魚曰：「相傳云。魚晝

夜常醒。刻木象形擊之。所以警昏惰也。」撫言曰：「有一白衣問天竺長老云。僧舍皆懸木魚何也。

答曰。用以警衆。白衣曰。必刻魚何因。長老不能答。

以問悟卡師。師曰。魚晝夜未嘗合目。亦欲修行者晝夜忘寐。以至於道。」

木槵子

（植物）又云無患子。木樹能辟邪鬼。

故名無患。其實可以爲念珠。謂之木槵子。梵名阿梨瑟迦紫。

木槵經

（經名）晉代失譯之木槵子經一卷。

在藏經小乘部中。更有不空譯之木槵經。在藏經

秘密部中是同本異譯也。

木槵子經

（經名）一卷，失譯，附東晉錄。波瑠璃國王遣使，求佛法之要。佛使以木槵子百八，稱佛陀達磨僧伽之名，并分別功德之淺深。

止

（術語）定名七種之一。即禪定之異名也。梵語曰奢摩他。又名三摩地。靜息動心也。又心定止於一處也。常對觀而言。依止拂妄，依觀證真理也。

〔修正三〕

（名數）修正有三。一繫緣守境止。繫心於鼻端臍間等處，使之不散也。二制心止。隨心之所起，便制之，使不馳散也。三體真止。若隨人心之所念，知一切法，悉由因緣而生，無有自性，則心不取諸法。心既不取諸法，則妄念自止。是體真而止。息妄念，故曰體真止。見小止觀。

止犯

（術語）於善法作之曰持，止之而不作，曰犯。依止而成犯，是曰止犯。

止門

（術語）六妙門之一。止持（術語）二持之一。止者制止也，持者持

戒也。制止身口之惡而行不殺不盜等，是依止而成持戒也。如五篇七聚之戒法，是行事鈔中四曰「戒體光潔，順本所受，稱之曰持。持由止成，號止持戒」。

止持戒

（術語）五戒八戒等總為制止惡之戒法，故云止持戒。見止持論。

止持作犯

（術語）對殺盜之惡法而言，止者持戒也。作者犯戒也。反之，對慈悲等之善法而言，則止者犯戒也。作者持戒也。

止觀

（術語）梵名奢摩他，毘鉢舍那，譯言止觀。定慧寂照，明靜。止者停止之義，停止於諦理不動也。此就能止而得名。又止息之義，止息妄念也。此就所觀而得名。觀者觀達之義，觀智通達契會真如也。此就能觀而得名。又貫穿之義，智慧之利用穿鑿煩惱而殄滅之也。若就所修之方便而言，則止屬於空門，真如門，緣無為之真如而遠離諸相也。觀者屬於有門，生滅門，緣有為之事相而發達智解也。若就所修之次第而言，則止在前，先伏

煩惱觀在後、斷煩惱、正證真如。蓋止伏妄念、譬如磨鏡。磨已、則鏡體離諸垢（是斷惑）能現萬像（是證理）是即觀也。若真止真觀必爲不二、以法性寂然是止、法性常照是觀也。然則真觀必寂然、故觀即止、真止必明淨、故止即觀也。

〔三種止觀〕

（名數）天台大師由南岳傳受

三種之止觀。○漸次止觀、初淺後深、如彼梯磴、初持戒次修禪、定後漸修實相也。大師依之說禪波羅蜜十卷。○不定止觀、前後互更、如金剛寶置日中、現像不定、無別之階位、隨衆生之根、或前淺後深、或前深後淺、或淺深事理漸頓不定。大師依之說六妙門一卷。○圓頓止觀、初後不二也。如通者之騰虛、空自初緣實相而行解共頓也。大師依之說摩訶止觀十卷。其關於止觀之著述、有二十餘種。見摩訶止觀條下。

止觀四本

（名數）一圓頓止觀、大師在荊

州玉泉寺說者、章安記爲十卷。二漸次止觀、在瓦官寺說者、弟子法慎記本三十卷。章安治定爲十

卷。今之禪波羅蜜是也。三不定止觀、即陳尙書令毛喜請大師出而說者、一卷。今六妙門是也。四小止觀、大師爲俗兄陳鍼請出而說者、今之修習止觀坐禪法要是也。見小止觀元照序（即小止觀之原名、分上下二卷）。

止觀十觀

（名數）一陰界入、二煩惱、三病

患、四業相、五魔事、六禪定、七諸見、八增上慢、九二乘、十菩薩。此十者止觀所對之境也。見止觀五

止觀十法

（名數）有十法而成止觀也。又

止觀宗

（流派）天台宗之異名。因彼宗以止

觀行爲本也。

止觀捨

（術語）是修行中之差別也。止觀之

義見前。捨者梵語優畢、又涅槃經三十一曰「憂畢、又者名曰平等、亦名不淨、又名不觀、亦名不行、是名爲捨」。止觀皆捨而住於平等也。即止觀不二之位。

止觀論

（書名）摩訶止觀之異名。

止觀大意

（書名）一卷，唐湛然撰，記解釋

諸經之十義及五方位十乘觀之軌行者。

止觀和尚

（人名）爲唐道邃之號。

止觀玄文

（書名）卽摩訶止觀也。

止觀法門

（書名）具名大乘止觀法門，四

卷，陳南岳慧思說其心要立五門，一止觀依止，二

止觀境界，三止觀體狀，四止觀斷得，五止觀作用，

後更示禮佛止觀食時止觀大小便利止觀。

止觀義例

（書名）二卷，唐湛然述，分七科

而釋圓頓止觀從義爲之纂要處元爲之隨釋。

止觀門論頌

（書名）一卷，世親菩薩造，唐

義淨譯，有七十七頌，明修不淨觀之法門也。

止觀輔行傳弘決

（書名）本爲十卷，開

爲四十卷，唐湛然撰，釋天台之摩訶止觀。

比丘

（術語）又名苾芻，鳩芻，爲出家受具足

戒者之通稱，男曰比丘，女曰比丘尼，嘉祥法華義

疏一曰：「比丘名爲乞士，上從如來乞法以練神

下就俗人乞食以資身故名乞士，世之乞八但乞

衣食，不乞於法，不名比丘。」

比丘聽施經

（經名）一卷，東晉曇無蘭譯。

說聽施比丘不樂法，將廢道，佛以方便說，旅人不

知道者，問知道者之喻以化之。

比丘避女惡名欲自殺經

（經名）一

卷，西晉法炬譯，有比丘因惡名住林中欲自殺，正

住天神說偈曉之，卽得道果。

比丘尼

（術語）女子出家受具足戒者之通

稱，新云苾芻尼，比丘爲男僧，比丘尼爲女僧，阿難

懇請度佛之姨母大愛道爲僧，是爲比丘尼之始。

比丘尼傳

（書名）四卷，梁寶唱撰。

比丘尼戒

（術語）比丘尼具足戒，卽五百

戒，並八敬戒是也。

比丘尼大戒

（書名）十誦，比丘尼大戒之

略名。

比丘尼戒本

（書名）揭比丘尼五百戒之

本經也，每月比丘尼之布薩日誦之。

比丘尼僧祇律戒經

（經名）摩訶僧祇

比丘尼戒本之異名。

比呼

（術語）比丘之別音也。探玄記十八曰、

「梵有三名或云比呼。或云慈芻。或云比丘。此無正譯。」

比量

（術語）因明三量之一。又心識上三量

之一。比者比類也。以分別之心。比類已知之事。量知未知之事也。如見烟比知於彼有火是也。因而因明法者。以因與喻比知主義之軌式也。總稱為比量者。是八識中唯意識之用也。因明入正理論曰「言比量者。謂藉衆相而觀義。」

比量相違

（術語）因明三十三過中宗法

九過之一。如言「瓶可爲常（宗）所作性故（因）。」是也。所立之宗相違比量之因。故曰比量相違。

比智

（術語）新云類智。舊云比智。見類智條。

比摩寺

（寺名）在于闐國。魏書于闐傳曰「于闐西五里有比摩寺。云是老子化胡成佛之所。」

毛道

（術語）又曰毛頭。凡夫之異名。謂凡夫

行心不定。猶如輕毛之隨風而東西也。依梵本則有婆羅縛羅之二音。婆羅爲愚之義。縛羅爲毛之義。古譯人誤婆羅爲縛羅。譯爲毛。不知婆羅宜譯爲愚。夫也。唯識樞要上本曰「金剛經云毛道生。今云愚夫生。梵云婆羅（去聲）此云愚夫。本錯云縛羅。乃言毛道。」又見玄奘音義四慧琳音義十。

毛頭

（術語）又曰毛道。凡夫之異名。見毛道

條。又禪家之職。剃淨人之毛髮者。亦曰毛頭。

水月

（譬喻）水中之月也。以譬諸法之無實

體。大乘十喻之一。智度論六曰「解了諸法如幻。如焰。如水。中月（中略）如鏡中像。如化。」法華玄義二曰「水不上升。月不下降。一月一時普現衆水。」

水月觀音

（菩薩）世間所繪觀水中月之

觀音。謂之水月觀音。真言曰尾瑟多（清淨）鉢怛麼（蓮華）薩怛縛（薩埵）係多（幾）莎